



مکاتب رشديه نك رنجي سنه سنه مخصوص

# پنج صوفی عثمانی

معارف عمومیہ نظارت جلیہ سی جانب عالیہ سندن عموم مکاتب  
رشديه ده او قوتدیرلق اوزره قومیسسیون مخصوصنه ترتیب  
ایتدیرلمشدن



استانبول

(قره بت) مطبعہ سی

7.142



مکاتب رشديه نك برنجي سنه سنه مخصوص

# پنج صُرف عثمانی

تنتی

معارف عمومیه نظارت جلیله سی جانب عالیسندن عموم مکاتب  
رشديه ده اوقوتدیرلق اوزره قومیس-یون مخصوصنه ترتیب  
ایتدیرلمشدر



استانبول

(قره بٹ) مطبعه سی

# بِسْمِ اللَّهِ الرَّحْمَنِ الرَّحِيمِ

## صرف عثمانی

معلومدر که لسان کله لردن، کله لرده حرفلردن تشکیل ایدر.

## حرف

حرف - معناسی اولمیب تشکیل کاتده قوللانیلان لفظه  
دینور. مثلاً: [انسان- آرسلان- خانه- چیچک] کله لرینی تشکیل  
ایدن حرفلردن هیچ بریسنک معناسی یوقدر .  
لسان عثمانی تشکیل ایدن حرفلر اوتوز ایکیدر :

ا ب پ ت ث ج چ ح خ د ذ ر ز ژ س ش ص  
ض ط ظ ع غ ف ق ک ل م ن و ه لای

بونلره « حروف هجا » اطلاق اوانور .  
«ک» درت درلو اوقونور :

برنجیسی «کلام» کله سنده اولدینی کی بوکا [کاف عربیه] ،  
ایکسنجیسی «دیگ» کله سنده اولدینی کی بوکاده [کاف فارسیه]  
دینور .

اوچنجیسی «دکزه» کله سنده اولدینی کبی که بوکا [کاف نونیه]  
یاخود [صاغر کاف] ، دردنجیسی «اکری» کله سنده اولدینی  
کبی که بوکا دخی [کاف یائییه] تعمیر اولنور .

### بشقه مثاللر :

کاف عربیه یه: کرم، ذکی، ملک .  
کاف فارسیه یه: گوهر، شکار، بازگ .  
کاف نونیه : بکنز، صوئ .  
کاف یائییه: دکرمن، بگ .

### §

### حرکه

حرکه — اوچدر: فتحه، کسره، ضمه .  
لسانمزه [ا - و - ه - ی] حرفلری حرکه مقامنده  
قوللانیلوب (ا) فتحه ثقیلیه، (و) ضمه یه . (ه) فتحه  
خفیفه یه، (ی) کسره یه علامت اوله رق یازیلیر. بوفله «حروف  
املا» دینور، صدالری ده یوقدر. مثلا: «یاز» کله سنده کی (ا)  
فتحه ثقیلیه علامت اولمق اوزره یازلمشدر، صداسی ده یوقدر .  
حرکه سی اولان حرفه متحرک، اولمیانده ساکن دینور .  
مثلا: «مکتب» کله سنده (م) متحرک، (ک) ساکن، (ت)  
متحرک، (ب) ساکندر .

حروف املادن هر بریسی ایچون برر مثال :

۱ - الما، یاز .

و - صو، قوم .

ه - دره، کله جک .

ی - کمی، ایپ .

تمرین [۰]

آشاغیده کی کله لرده بولناں کافلر ایله حروف املا تعین اولنه جق:

[ گل - یکی - کورمک - طاغ - دیل - یوز - یمک -

کف - بیلمک - سوپورمک - شکر - صوبا - صیوا -

یاپراق - سوز - بویا - رنک - کرم - تکمیل - فلك ]

سؤال — لسان نه لردن تشکل ایدر؟ حرف نه به دیر لر؟ لسان

عثمانی بی تشکیل ایدر، حرفلر قاچدر؟ (ك) حرفنك نو علیله صورت

تلفظلری نصلدر؟ حرکه قاچدر؟ لسان مزده حرکه، قمانده هانکی حرفلر

قوللا نیلیر؟ او حرفلر نه دینور؟ حرکه سی اولان حرف ایله حرکه سز

حرفه نه نام ویریلیر ؟

کله

کله — معنالی لفظه دینور . بش نوعدر : اسم ، صفت ،

ضمیر، فعل، ادات .

اسم

اسم - [ احمد - استانبول - نیل - آت - آغاج - صو - عقل -

[۰] تمرین - آالشدرمقی ایچون دوام اوزره چالشدرمقی دیمکدر .

روح [ کئی اشخاصی، حیوانات و اشیائی کو سترن کلمہ لہرہ دینور .  
اسم ایکی قسمدر : اسم جنس، اسم خاص .

اسم جنس

اسم جنس — [ انسان — شہر — ارسلان — وجدان ]  
کئی معناسندہ عمومیت بولنان کلمہ دینور .

اسم خاص

اسم خاص — [ ابراہیم — طربزون — دجلہ ] کئی معین  
اولان برشخص ویا برشی کو سترن کلمہ دینور .  
مفرد — برہ دلالت ایدن کلمہ دینور .  
جمع — بردن زیادہ دلالت ایدن کلمہ دینور .  
قاعدہ — ترکجہدہ مفرد کلمہ جمع یا بمق ایچہون سوکنہ  
(لر) علاوہ اولنور .

مفرد	جمع
قلم	قلملر
چو جق	چو جقلر
یازی	یازیلر

تمرین

آشاغیدہ کی کلمہ لردن اسم جنس لرایلہ اسم خاص لرتفریق اولنہ جق :  
[ مکہ — مدینہ — استانبول — خانہ — سلیمان — دکز —  
چو جق — مرمرہ — طونہ — عمر — عثمان — بالقی — ملک —



خرما — نهر — نیل — پارس — شهر — شیراز — جام —  
 صراحی — صوبا — جغرافیا — بلب — چیچک — اوروبا —  
 ۱۱۱ — اشقودره ]

آشاغیده کی کلمه لردن مفرد اولانلری جمع، جمع اولانلری ده  
 مفرد یا بیله جق :

[ فن — تاریخ — سجاده — کتابلر — جـ دوز —  
 راپور — قایقلر — چاائطه — کاغد — طبق — باغچه لر —  
 الیر — امل — وجدان — یورك ]

§

## احوال اسم

احوال اسم — اسملرک عباره آره سنده کیردکاری شکله  
 دینور، یدی درلودر :

۱ — مجرد: کلمه نک حال اصلیسیدر : « انسان » کبی

۲ — مفعول به : مجردک صوکنه (ی) علاوه اولنور :  
 « انسانی » کبی .

۳ — مفعول الیه : مجردک صوکنه (ه) علاوه اولنور :  
 [ انسانه ] کبی .

۴ — مفعول فیہ : مجردک صوکنه (ده) علاوه اولنور :  
 [ انسانده ] کبی .

۵ — مفعول عنه : مجردک صوکنه ( دن ) علاوه اولنور :  
 [ انساندن ] کبی .

۶ — مضاف اليه : مجردك صوكنه « صاغرکاف » علاوه اولنور : « انسانك » کي .

۷ — «مضاف» : مجردك صوكنه ( ي ) علاوه اولنور : [انساني] کي . §

قاعده — مجرد بر اسمك صوك حرفي متحرك اولورسه .  
احوال اسم علامتلى شو شكلده يازيلير :  
مجرد: = بابا — اوطه — قيو — كمى .  
مفعول به ايچون: (بي) = بابايي — اوطه بي — قيو بي — كمى بي .  
کي .

مفعول اليه ايچون: (يه) = بابايه — اوطه يه — قيو يه — كمى يه .  
مفعول فيه ايچون : (ده) = باباده — اوطه ده — قيو ده —  
كميده کي .

مضاف اليه ايچون : (رنك) — بابانك — اوطه نك — قيونك —  
کينك کي .

مضاف ايچون: (سى) = باباسى — اوطه سى — قيو سى —  
کيسى کي .

اخطار — «صو» کله سنك مضاف اليه حالى شاذ اوله رق  
[ صويك ] مضاف حالى ده [ صويي ] کلير . مثال . [ صويك ]  
رنكى — دكز صويي [

سؤال — احوال اسم نه يه دينور ؟ هانكي ليريدر ؟

تمرین

آشاییده کی مجرد اسم لک یدی حالی یازیله جق :  
 [ ادب - روز کار - صفا - چیچک - آرزو - درس -  
 طوقاق - نطق - اوطه ]  
 قاعده - صوکنده ( قاف ) ، ( چیم ) بولنان ترکیه اسم  
 مجرد لرده مذکور حرفلر حرکه لیرسه ( قاف ) غین و ( چیم )  
 جیم اولور .

مثال :

مجرد	مفعول به	مفعول الیه	مضاف الیه
ق - طوپراق .	طوپراغی .	طوپراغه .	طوپراغک .
ج - کیرج .	کیره جی .	کیره جه .	کیره جک .

بر هجالی کله لر بو قاعده دن مستثنادر :

مجرد	مفعول به	مفعول الیه	مضاف الیه
ق - اوق .	اوقی .	اوقه .	اوقک .
ج - اوچ .	اوچی .	اوچه .	اوچک .

§

اضافت

اضافت - [ کتابک قابی ، یازی کاغدی ، چوبان  
 چشمه سی ، سکود آغاجی ، دمیر قلم ، کوکل کبه سی ، لیمون  
 ایواسی ] کبی بر اسمک دیکر بر اسمه معناه مربوط بولمسنه دیرلر .  
 بو اسملردن اولکنه « مضاف الیه » ایکنجیسنه « مضاف »

تعبیر اولنور . مضاف الیه ایله مضافک ایکسینه بردن [ ترکیب اضافی ] دینور .

اضافت اوج نوعدر : لامیه ، بیانیه ، تشبیه .

۱ — اضافت لامیه — مضاف ، مضاف الیه مخصوص ویا مضاف الیهک ملکی اوندینی آکلاشیلان اضاقتدر. مضاف الیهک آخرنده ( کاف نونیه ) ، مضافک آخرنده ده ( ی ) حرفی بولنور: احمدک کتابی

خواجه نک او طه سی کی

بو ترکیلردن کتـابه احمدک مالک اولدینی و او طه دخی خواجه یه مخصوص بواندینی آکلاشیلیر .

قاعده — مضاف ، مضاف الیه مخصوص ویا مضاف الیهک ملکی اولدینی آکلاشـلمیوبده کله لرك ایکسی بردن برره علم ، یا خود بر شخص و شیئه اسم اولورسه مضاف الیهک آخرنده کی ( کاف ) حذف ایدیلیر :

پاشا باغچه سی

محله بکجی سی

مدیر او طه سی کی

تمرین

آشاغیکی کله لردن هر برینک هانکی حالدیه بولندقلری بیان اولنه حق :

[ احمدک — تربیه یی — خانه دن — مکتبه — شاکرد — خواجه سی —

تبیسی — پرده یه — درجه — باغچه نک — باغک — آیاهه ]

## يکي صرف عثمانی

۲ - اضافت بيانيه - مضاف اليه ، مضافك نوعنی ويا نهدن ياپلديغنی بيلديرن اضافتدر .

قاعده - مضاف اليه مضافك نوعنی كو سترن اضافت بيانيه لرده مضاف اليهك آخرنده ( كاف ) بولماز: [ چار اغاجي - دكز صوبي ] كې .

قاعده - مضاف اليه مضافك نهدن ياپلديغنی افاده ايدن اضافت بيانيه لرده نه مضاف اليهك آخرنده ( كاف ) ، نده مضافك آخرنده ( ي ) بولنور : [ دمير قلم - نخته مناره ] كې .

۳ - اضافت تشبيهيه - مضاف اليه ، مضافه و مضاف . مضاف اليه بكزه دلك ايچون سويلنيان اضافتدر : [ علم درياسي - ويشنه اريكي ] كې .

قاعده - اضافت تشبيهيه ده دخي اضافت بيانيه ده اولديغی كې مضاف اليهك آخرنده [ ك ، نك ] يوقدر .

تمرین

آشاغيمده كي تركيب اضافيلرك هانكي نوعدن اولدقلى بيان

ايديله جك :

[ طانك تپه سي - چو جفك او بونجاغی - او قومه نك فائده سي -  
فناز باغچه - وان كديسي - كويك يولى - محله جامعي - ليون  
چكر دكي - دوه قوش - تاريخ كتابي - خواجه نك كتابي - دمير كورك -  
سكود اغاجي - چكي سودي - محله بكجيسي - مار سليبا كيره ميدي -  
كستانه اغاجي - كموش كو ستك - قهوه دكرمني - آلتون ساعت ]  
سؤال - اضافت نه به ديرلر ؟ قاج نوعدر ؟ هر نوعدن

اوچر مثال بولنه جق

## صفت

صفت - اسملرک احوالی، اشکالی و سائر اوصافی کو سترن  
 کله لر در . مثلاً : [ ذکی آدم ، یشیل یاپراق ، آجی صو ، بیوک  
 شهر ] دینلر کده [ ذکی ، یشیل ، آجی ، بیوک کله لری یاننده کی  
 اسملرک نصل اولدقلرینی کو ستر دکلرندن صفت اولدقلری فرق  
 ایدیلیر .

بو مثاللرده کو سترلیدیکی وجه ایله یانلرنده [ آدم ، یاپراق ،  
 صو ، شهر ] کی صفتله براشن اسملره موصوف تعیر اولنور .  
 ترکیه قاعده سنه کوره صفت اول ، موصوف صکره کلیر .  
 « بیوک شهر » مثالنده اولدینی کی . بویله صفت ایله موصوفدن  
 تشکل ایدن مرکباته « ترکیب توصیفی » دینور .

اخطار - برکله نك صفت اولدبقی آکلامق ایچون آندن  
 صکره [ کیسه ، شی ] لفظلرندن برینی کتیروب برمعنی حاصل  
 ایتک کافیدر .

مثلاً : [ زنکین ، فنا ] کله لری برر صفتدر . چونکه [ زنکین  
 کیسه ] ، [ فنا شی ] دینه بیلیر .

[ او طه ، عقل ] کله لری رر صفت اولمیوب اسم اولدقلرندن  
 بونلرک یانلرینه ذکر اولنان لفظلر کتیریلرک [ او طه کیسه  
 عقل شی ] دینه جک اولسه برمعنی چیقاریله ماز

قاعده - ترکیه ترکیب توصیفیلرده موصوف اولان اسملر

ابدالمسی	ابدال
اکشمتک	اکشی
آجیمتراق	آجی
کور به جک	کور به
قیصه جق	قیصه

سؤال - صفت قاج قسمدر؟ هر قسم تعریف ایدیلد جک  
نمرین

آشاغیده کی صفتلرک هانکی قسمه عاڈا ولدینی تفریق اولنه جق  
[ ادر نهلی - عربجه - صوغوغه - صیجاق - لذیذ - صارمسی  
زورلو - جانسز - بیاض - اوزون - یومشاق - کتانبجی  
ابدالمسی - کلینلک - تازه - بایاتجه ] .

§

### اسم عدد

اسم عدد - صاییلرک آدیدر . درت قسمدر :  
برنجیدی : [ عدد طبیعی ] در : [ بر - ایکی - اوچ - بش -  
اون - یکر می - اللی - یوز - بییک - میایون ] الخ کبی  
ایکنجیسی : [ عدد وصفی ] درکه عدد طبعیلرک آخرین  
( نجی ) علاوه اولنه رق حاصل اولور .

مثال :

عدد طبیعی	عدد وصفی
بر	برنجی
اوچ	اوچنجی

اون                      اوتنجی  
بوز                      یوزنجی  
اخطار — [ ایکی — آلتی — یدی — یکر می — اللی ] عدد  
طییمیلری وصفیه صورتنه کیرنجبه صوکلرنده کی ( ی ) لر حذف  
اولتور .

مثال :

عدد طبیعی	عدد وصفی
ایکی	ایکینجی
آلتی	آلتینجی
یدی	یدینجی
یکر می	یکر منجی
اللی	اللتنجی

§

اوچنچیلیسی : [ عدد کسری ] درکه معلوم بر مقدارکینه  
معلوم بر قسمتی کو سترر، قسمی آلتان مقداره، (ده) علاوه اولتور.

مثال :

عدد طبیعی	عدد کسری
اوج	اوجده بر
اون	اونده ایکی



یوزده اون	یوز
بیکنده اللی کبی	بیك

§

دردنجیسی : [ عددتوزیعی ] درکه بر مقدارك مساوی  
صورتده آریلوب طاغیدلسنی بیلدیرر ، عدد طیمینك صوك  
حرفنه - مفتوح قیلنهرق - بر ( ر ) علاوه اولنور .

مثال :

عدد طبیعی	عدد توزیعی
بر	برر
اوج	اوجر
بش	بشمر
سکذر	سکذمر
اون	اونر
اوتوز	اوتوزر

اخطار - [ ایکی - آلتی - یدی - یکریمی - اللی ]  
عدد طبعیلاری توزیمیه صورتنه کیرنجه صوکلیینه (ر) دن اول  
برده ( ش ) کتیریلیر .

مثال :

عدد طبیعی	عدد توزیعی
ایکی	ایکیشمر

آ آلتی	آ آلتیشر
یدی	یدیشر
یکرمی	یکره یشر
الای	الایشیر کبی
مفعول به	مفعول به
مضاف	مضاف
مفعول الیه	مفعول الیه
مضاف الیه	مضاف الیه
عدد وصفی	عدد وصفی
عدد توزیعی	عدد توزیعی

اخطار — [ سکز غروش — اوتجی او — اوچر کتاب ]  
 سوزلرنده کوردیکی وجه ایله صاییلر دائماً بر اسممه عائد  
 بولندقلرندن صفت اعتبار اولنور .

اخطار — اسم عددلرده دخی احوال اسم جاریدر .

تمرین

آشاییدهکی جمله لرده بولنان اسم عددلر آریله حق وهانکی  
 قسملردن اولدقلری بیان ایدیله جکدر .

[ جنتمکان فاتح سلطان محمد خان حضرتلری عثمانی پادشاهلرینک  
 یدنجیدر - جنساب حق درت بیوک کتاب ایزال بیوره شددر -  
 پیغمبر ذی شانز افندمر حضرتلری ربیع الاولک اون ایکنجی کیجه سی  
 دنیایی تشریف بیورمشلر - دنیانک دریده بر قسیمی قره ودرتده اوج  
 قسیمی دگزدر - رکنه چوقدر ، بیک طاعت آذر - انسان برنجی  
 درجه ده کندی لساننک قواعدینی تحصیله چالشمیلدر - طلبه اولکی  
 سنه موقع امتحانه اوچر اوچر جلب اولمش ایدی - ملکیه مأمورلری  
 هر آی معاشلرندن یوزده بش غروش ویررلرکه بویاره سایه شاهانه ده  
 کندیلرینک واثله لرینک معیشت مستقبه لرینی تأمین ایدر - سکز کونلک  
 عمر ایچون طقوز کون چالشمیلدر - خلفای عباسیه نک بشنجیسی اولان  
 هارون رشید ، نارینه آنجی بیکده برآدمه میسر اولور برکوزل  
 نام براقشدر - پکن سنه صنفلرک چالشقان شاگردلرینه مکافات اوله رق  
 دردر کتاب ویرلش ایدی - اون ایکی آی برسنه در ، برکون بکرمی  
 درت - ساعتدر - معمار - سنان - سلیمانیه ، شهزاده جامعشریفلرینی بنا  
 ایدن استاد شهردر ، (۹۹۶) ده یوز باشنده وفات ایتمشدر - انسانلر  
 دوت درلودر : برنجیسی ، بیایر ، بیلدیکنی ده بیلیر ؛ ایشته اوالمدر ،  
 آکا صورملی . ایکنجیسی بیایر ، فقط بیلدیکنی بیلر ؛ ایشته او  
 ناسیدر . آکا اخطار ایتلی . اوچنجیسی بیایر ، بیامدیکنی ده بیلیر ؛  
 ایشته او ، مسترشددر ، آتی ارشاد ایتلی . دردنچیسی بیایر ،  
 بیلدیکنی ده بیایر ؛ ایشته اوچالمدر ، آندن صاقتملی - مکتب سلطانیده  
 ایکی یوز بکرمی آتی نورولو بیوک برادریم آصف افندی صنفک  
 برنجیسیدر - بوسنه ایکنزده اوچر مکافاته نائل اولایغوزدن پدریم  
 یوزو غروش عطیه ویردی ] .

## اسم اشارات

اسم اشارت - برشیئی کوسترمک ایچون قوللانیلان

[ بو - شو - او ] لفظلریدر .

بو - لفظی یقینده کی، شو - بر آز اوزاقده کی، او -  
لفظی ایسه دها اوزاقده کی شیئی کو سترمک ایچون وللا نیلیر.  
بونلرک کو ستردکلری شیلره صرف اصطلاحنجه [مشار الیه]  
تعبیر اولنور. مثلاً :

بو	کتاب
شو	قلم
او	طاغ

دینلدکده [بو - شو - او] اسم اشارت، [کتاب - قلم -  
طاغ] کله لری ده آنلرک مشار الیه یدر.  
اخطار - [بو - شو - او] اسم اشارت لری نک جمعی  
[بونلر - شونلر - آنلر] کلیر.

اسم اشارت لرک احوالی بروجّه آتیدر :

مفرد لری نه مثال :

مجرد	مفعول به	مفعول الیه	مضاف الیه
بو	بونو	بوکا	بونک
شو	شونی	شوکا	شونک
او	آنی	آکا	آنک

جمع لری نه مثال :

مجرد	مفعول به	مفعول الیه	مضاف الیه
بونلر	بونلری	بونلره	بونلرک

شونلر شونلری شونلره شونلرك  
 آنلر آنلری آنلره آنلرك  
 اخطار - بو اوج اسم اشارتك مضاف حاللری یوقدر .  
 [ بورا - شورا - اورا ] لفظلری دخی اسم اشارت اولوب  
 بونلر بر محل کوسترمک ایچون قولانیلیر جمعاری :  
 [ بورالر - شورالر - اورالر ] در .

### احوالی :

مجرد مفعول به مفعول الیه مضاف الیه مضاف  
 بورالر بورالری بورالره بورالرك بورالری  
 | اوتہ کی - بریکی | کله لری ده اسم اشارتدر . اولکیلر کبی  
 مفعول به ؛ مفعول الیه ، مضاف الیه اولورلر . جمعارنده  
 | اوتہ کیلر - بریکیلر | دینور . « اشبو » لفظی دخی اسم  
 اشارت کبی قولانیلیر .



### ضمیر

ضمیر - بش نوعدر : ضمیر شخصی - ضمیر اضافی -  
 ضمیر نسبی - ضمیر فعلی - ضمیر وصفی

ضمیر شخصی

ضمیر شخصی — | بن - سن - او | کله لریدر . « بن »  
 متکلمه ، « سن » مخاطبه ، « او » غائبه مخصوص صدر « ا » .  
 بونلر شو صورتله جمعلنیرلر :

جمع متکلم	جمع مخاطب	جمع غائب
بز	سنز	آنلر

ضمیر شخصیلرده دخی احوال اسم جاریدر، آنجق مضاف  
 حالی یوقدر .

ضمیر شخصیلرک مفردلرینک احوالی

مجرد	مفعول به	مفعول الیه	مضاف الیه
بن	بنی	بکا	بنم
سن	سنی	سکا	سنک
او	آنی	آکا	آنک

ضمیر شخصیلرک جمعلرینک احوالی

مجرد	مفعول به	مفعول الیه	مضاف الیه
بز	بزی	بزه	بزم

« ۱ » متکلم . سوز سویلین - مخاطب سوز سویلین - غائب ،  
 حاضر اولیوبده کندندن بحث ایدیلندر .

### تمرین

آشاییده کی جمله لده بوانان ضمیر لر کوسه تریله جک و بو ضمیر لر دن  
هانکیلرینک ضمیر شخصی ، هانکیلرینک ضمیر اضافی ، هانکیلرینک ضمیر  
نسبی اولدقلری تعیین و فریق قلنه جق :

ا بن دایم دن بش یاش کوچکم - بوکونکی درس مز پک قولایدر -  
احمد افندی نک مملکتی ازمیردر - سن بویوککی بیلکه کوچک ده سنی  
بیلسون - دون سزی چارشیمه ، کرردم ، پدربک ز یانک زده ایدی -  
چکن کون قورشون قلمی سزه ویرمش ایدم ، نه یایدیک ز ؟ - محمد افندی  
صنف مزک برنجیسیدر - درس نه چاشمیان طایه معلم لرینک ده ، پدر  
والده سنک ده محبتی قازانه ماز - بود قتر کاظم افندی سکدر ، شوکاغلر ده  
آنک - بزم یازوم سنک یازوکدن دها کوزل و او قوناقلیدر - بوکون  
وظیفه می حقیره ایفا ایتدیکمن بر آفرین ورقه سنه نائل اولدم - درس لرینی ،  
وظیفه لرینی بویله ایفا ایدنلر البته نائل مکافات اولورلر - بزم برادر م عاقلدر .

§

### ضمیر فعلی

ضمیر فعلی - ترکیه ده فعللرک آخربنه کله رک فاعلانی  
بیان ایدن ضمیر لر در . مثلا : [ کوردم ] لفظ نک آخرنده کی (م) ،  
[ یازیور سک ز ] لفظ نک آخرنده کی (سک ز) ، [ چایشه جغ ز ]  
لفظ نده کی (ز) ، [ او قومایسک ] لفظ نده کی (سک) ، [ باقیک ز ]  
لفظ نده کی (ک ز) ضمائر فعلیه دندر .

§

### ضمیر وصفی

ضمیر وصفی - (کی) لفظ ندن عباوتر (کی) لفظی  
بر اسم دن صکره ذکر ایدیله رک او اسم ه صفت معناسی

ویرر. آنجق اسم ايله مذکور لفظ آره سنه (ده) اداتی کتیر یلیر.  
مثلا [ بزم باغچه ده کی اریک آغاجی ] دینلد کده [ باغچه ده کی ]  
کله سی اریک آغاجی توصیف ایتمش اولور .

### تمرین

آشاغیده کی عبارده بولغان ضمیر لر کوستريله جک وهانکی نوعدن اولدقلری تفریق و بیان ایديله جک :

[ اوده کی بازار چارشی به اویماز - اختیارلقده راحت ایتک ایستر  
ایسه کنز کنجلیکده چالیشکنز - بندن کوزل یازیورسکنز - یاپدیم  
رسملری پدرمه بکنندرم ، اوده بکا ککافات اوله رق بوکتابی وپردی -  
برادرده کی ساعت بنم شو ساعتدن دها ایدر - نه قدر نفلسک -  
کله جک جمه پدرمه یاقه جفه کیده جکنز - دون کچ وقت یاتدیم ایچون  
اویومش قالمش ، مکته یوقمه زمانندن بر آرزوکره کیتدم - اینی یازمق ،  
چوق معلومات حاصل ایتک ایچون چوق یازملی یز ، چوق اوقوه ملی یز -  
مشهور خطاط حافظ عثمان مرحوم ، کندیسی قدر کوزل یازی یازان اولوب  
اولدیغنی سؤال ایدن برذاته « بنم قدر یازان بنم قدر بازار » دیمشدر -  
سزده کی کتابلر بنده اولسه دها زیاده چالیشیر ، استفاده ایدرم -  
عقللی برچوچق شونک بونک لاقیر دیسنه قولاق آصماز ، کیجه کوندز  
درسلیرنه چالیشیر ، آدم اولمه غیرت ایدر - سز استانبوللوسکنز -  
درسلیکه هیج چالیشمیورسک - چوق خایلازسک - پک کوزل رسم  
یاپیورسکنز - کامل افندی بندن کوزل رسم یاپیور - بروسه ده کی  
قابلیجه لک خواص شفاییه سی پک چوق تجربه لرله ثابت اولمشدر ] .





## فعل

فعل — برایشك ویا برحالك اوج زماندن برنده وقوعی  
خبر ویرن کلهدر .

[ چوجق دوشدی — بزچالیشیورز — سن اوقویه جقسك ]  
عباره لرنده کوریلان [ دوشدی — چالیشیورز — اوقویه جقسك ]  
کلهلری فعلدر .

اخطار — علم صرفده یکمیش زمانه « ماضی » ، شمیدیکی زمانه  
« حال » ، کله جک زمانه ده « استقبال » ویا « مستقبل » دینور .



## مصدر

مصدر — فعللرك اصلیدر . ترکیه ده ایکی درلودر :  
برنجیسی ، آخرنده (مق) بوانان کلهلردرکه بونلره (مصدر  
ثقیل) دینور .

[ اوقومق — یازمق — اوطورمق — طورمق — صورمق —  
قیرمق ] کی .

ایکنجیسی ، صوکننده (مک) اولان کلهلردرکه بونلره ده  
(مصدر خفیف) تعیر اولنور :

( اوکرنمک — کورمک — کلک — کینمک — ویرمک —  
چیزمک — بيلمک — کزیمک ) کی .

مصدر لرك نهايتلرنده کی ( مق - مك ) لفظلرينه « ادات مصدر » و بونلر قالدیرلدقدن صكره قالان لفظهده « ماده اصلیه » دینور: مثلاً [ اوقومق - كورمك ] مصدرلرنده ( مق - مك ) ادات مصدر، [ اوقو - كور ] ده ماده اصلیهدر .

§

مثبت — منفی

مصدرلر و آنلردن حاصل اولان فعللر یا مثبت ویا منفی اولور .

مثبت

مثبت — افاده ایتدیکی ایشك وقوع بولدیغی ویا وقوع بولهجفی فعله دینور: [ بوصباح یاغمور یاغدی ] عباره سنده کی [ یاغدی ] فعلی کی

منفی

منفی — افاده ایتدیکی ایش وقوع بولمیان ویا وقوع بولمیهجق اولان فعله دینور . [ بر آیدن بری یاغمور یاغدی ] عباره سنده کی [ یاغمدی ] فعلی کی .

قاعده — مثبت ، بر مصدری منفی یا بمق ایچون ماده اصلیه ایله ادات مصدر آره سنه خفیفلرده (مه) ثقیللرده (ما) علاوه اولنور .

مثال :

منفی	مثبت
کورمه مک	کورمک
یازماق	یازمق

اخطار — بونلره مصدر اصلی دینور . مصدر اصایدن  
درت درلو مصدر وجوده کلیر :

۱ — مصدر تأکید . مصدرلرک صوکنه خفیفلرده  
( لک ) ، ثقیلدرده ( لق ) علاوه اولنه رق حاصل اولور .

مثال

( کورمک ) دن ( کورمکک ) ، ( یازمق ) دن ( یازمقلق ) کی .

§

۲ — مصدر تخفیفی ، مصدر اصلیلرک آخرنده کی کاف  
وقافک بَرینه ( ه ) کتیرمکله وجوده کلیر :

( کورمک ) دن ( کورمه ) ، ( یازمق ) دن ( یازمه ) کی .

§

۳ — حاصل مصدر . ادات مصدر حذف و ماده  
اصلیه بر ( ش ) علاوه اولنه رق یاپیلیر .

مثال :

( کورمک ) دن ( کورش ) ، ( یازمق ) دن ( یازش ) کی .

تمرین

شو مصدر اصلیلر - تا کیدی، تخفیفی، حاصل مصدر شکنه  
قونیله جق :

[ سومك - یاقق - كلك - صیقمق - پشمك - طاشمق ]  
اخطار - ماده اصلیه نك اخری متحرك اولورسه ( یش )  
علاوه اولور :

(سویلماك) دن (سویلش)، (اوقومق) دن (اوقویش) کبی .

§

ع - اسم مصدر، بعض مصادرک نهایتلرنده کی (ك)  
و(ق) ك حذفيله تشکیل اولور .

مثال :

( آلق ) دن ( آلم ) ، ( صاتمق ) دن ( صاتم ) ، ( ایچمك ) دن  
( ایچم ) ، ( بوكمك ) دن ( بوکم ) کبی .

§

تمرین

آشاغیده کی عبارله لره بولان مصدر لر آیرله رق هر برینك خفیف  
ویا ثقیل، مثبت ویامنی اولدینی بیلدیر یله جك :

[ هر بورجی ادا ایتك مقتضیات دینیه دندر - آدم ایچون صاحب  
ادب اولمق مالک ذهب اولمق دن اعلا در - هر صباح ایرکن قالمق ، ایشیه  
مشغول اولمق باعث سعادت در - بختیار اولمق ایستین کنجلر ، اختیار لرک  
نصیحتیه عامل اولور لر ] .



## فاعل — مفعول

فاعل — فعلك افاده ابتدیی ایشی یاپانه دینور، شو حالده  
 هر فعلك بر فاعلی واردر . فاعل ، فعلدن اول کلیر . مثلاً :  
 [خواجه افندی یازدی - بز او قودق] دینلد کده [یازدی] فعلنك  
 فاعلی «خواجه» ، [او قودق] فعلنك فاعلی ده «بز» کله سیدر .  
 بر فعلك فاعانی بولق ایچون اولنه (کیم) ویا (نه) سؤالی  
 کتیرمک کافیدر . مثلاً : [چو جق دوشدی - طاش جامی  
 قیردی] عبارت لرنده ، «کیم دوشدی» دینلد کده (چو جق) و  
 «جامی نه قیردی» ، دینلد کده (طاش) کله لرنك فاعل اولدقاری  
 آ کلاشیلیر .

## §

مفعول — فعلك افاده ابتدیی ایشك تأثیرینی کورن  
 کله در [خواجه درسی یازدی - بز کتابی او قودق] عبارت لرنده  
 یازیلان شی (درس). او قونان شی ده (کتاب) اولدیغندن بو کله لر  
 [یازدی - او قودق] فعللرنك مفعولیدر .  
 فعلك مفعولی: (مفعول به صریح) ویا (مفعول به غیر صریح)  
 اولور. مفعول به صریح: (مفعول به) حائنده و مفعول به غیر صریح ده  
 (مفعول الیه - مفعول فییه - مفعول عنه) حائنده اولان مفعول لر در ،  
 مثلاً : [خواجه افندی کتابی احمد افندی یه ویردی] عبارت سنده

خواجه ( فاعل ) ، کتابی ( مفعول به صریح ) ، احمد افندی به  
( مفعول به غیر صریح ) ، ویردی ده ( فعل ) در .  
اخطار — بر فعلک مفعول به صریحی بولمق ایچون او  
فعلدن اول ( نهی — کیمی ) سؤالرینی و مفعول الیهنی بولمق  
ایچون ده ، ( نهی — کیمه ) سؤالرینی ایراد ایتک ایجاب ایدر .  
مثلا : یوقاریکی مثالده «خواجه نهی ویردی» دینورسه ( کتابی )  
کله سنک مفعول به و «کیمه ویردی» دینورسه ( احمد افندی به )  
کله سنک ده مفعول الیه اولدیغی آکلاشیلیر .

### تمرین

آشاغیدهکی عبارده لرده بولان فعللره هر برینک فاعل و مفعوللری  
کوستریله جک و مفعوللرک هانکی نوعدن اولدقلری بیان ایدیله جک :  
( جناب حق اپی قوللری هرشیدن حفظ ایدور — دین مبین  
هر بورجک اداسنی امر بیورمشدر — صنعت انسانه خزینه اولور —  
سن باباکه رعایت ایتکه اوغلاک ده سکا رعایت ایتسون — چوجق چوق  
یوز بولنجه یوزسز اولور — بزار باب علم ایله کوریشیرسه ک علم و تربیه  
قازانیز — هنری شاگرد استادینه کندیی سودیرر — سزیوکلرک  
مراثینی طوغریلقه بوله جقسکز — انسان دنیاده هرشیدن زیاده اپی نام  
برقلیدر — بن نصل رزقی آرار ایسم رزقده نی اویله آرار ) .

### §

### معلوم — مجهول

مصدرلر و آنلردن حاصل اولان فعللر یا « معلوم » و یا  
« مجهول » اولورلر .

## فعل معلوم

فعل معلوم — فاعلی بللی اولان فعلدر : [ بن کلم —  
برادرم کوردی — حسن افندی تحصیلہ باشلایہ جقدر. ] عبارہ -  
لرنده کی فاعلہ فاعلہری [ بن — برادرم — حسن افندی ]  
کلهلری اولدیغندن بو فعللر ( معلوم ) در .

## §

فعل مجهول — فاعلی بللی اولمیان فعلدر : [ کتاب ییرتلدی -  
قلم قیرلدی — مکتب ایکیده آچایور — موسیقہ چالینه جق —  
درس اوقونملیدر ] عبارہ لرنده کی فعللر فاعلی کیم ویانه اولدینی  
سویلنمدیکنندن مذکور فعللر ( مجهول ) در .

قاعده — معلوم برفعلی مجهول یایمق ایچون ماده اصلیه نک  
صوک حرفی ( ل ) اولمیان وسا کن بولنان مصدر لرده بر ( ل )  
وماده اصلیه نک صوک حرفی ( ل ) اولان و یا متحرک بولنان  
مصدر لرده ده بر ( ن ) زیاده ایدیله

## مثال

معلوم	مجهول
ویرمک	ویرمک
یازمق	یازمق

او قومق	او قومق
بیلمک	بیلمک
کبی	کبی

### متعدی - لازم

مصدر لر و آنلردن حاصل اولان فعللر معنی جهتیه دخی یا «متعدی» ویا «لازم» اولور .

#### متعدی

متعدی — فاعلک بر ایشی اولوب مفعول به صریحه تأثیر ایدن کله در . مثلاً : [ اوکرنمک ، کورمک ، سورمق ] مصدرلری متعدیدر . چونکه مفعول صریحسز قوللانماز ، مطاق بر شیشی اوکرنمک ، بر شیشی کورمک ، بر شیشی سورمق دینور .

§

### لازم

لازم — فاعلک بر حالی اولوب باشقه سنه تعلق ایتمین یعنی مفعول به صریح آله میان کله در . مثلاً : [ اوشومک - کلک - اویومق ] فعللری لازمدر . چونکی [ بر شیشی اوشومک - بر شیشی کلک - بر شیشی اویومق ] دینه مز ، بونلر فاعلک برر حالیدر .

#### تمرین

آتیده کی مصدرلرک هانکیسی معلوم ، هانکیسی مجهول اولدینی



برربرر کو ستريله جک ونه ايچون معلوم ويا نه ايچون مجهول ايسه  
بيليديريه جک :

[اوپورمق-ياقق-يازلق-دوشمک-کولمک-آلمق-سويلنمک-  
سولمک-سونمک-ياغمق-قوشمق-کسمک-اکلنمک-سيلنمک].  
ينه بو مصدرلرک هانکيسي متعدی هانکيسي لازم اولديني  
کوسترييله جک و سبيلري بيان اولنه جق .

§

تصريف افعال

مصدرلر اوج زمانه دلالت ايتمک ايچون طقوزشکله کيررکه  
اوشکالره «صيغه» تعبير اولنور . بو صيغه لرده شونلردر :

- ۱ ماضی شهودی
- ۲ ماضی نقلی
- ۳ مضارع
- ۴ حال
- ۵ استقبال — ياخود — مستقبل
- ۶ فعل وجوبی
- ۷ فعل التزامی
- ۸ امر غائب
- ۹ امر حاضر

بر مصدرک بوطقوز صيغه سنک متکلمني ، مخاطبي ، عايبی  
مفرد و جمع اوله رق ذکر ايتمکه ( تصريف ) دينور .

امثله :

[ کورمک-اوقومق ] مسددرلرینک مثبت صورتک تصرافی :

ماضی ء شهودی

متکلم :	کوردم	اوقودم
مفرد مخاطب :	کوردک	اوقودک
غائب :	کوردی	اوقودی

§

متکلم :	کوردک	اوقودق
جمع مخاطب :	کور دیکز	اوقو دیکز
غائب :	کور دیلر	اوقو دیلر

ماضی ء نقلی

متکلم :	کور مشم	اوقو مشم
مفرد مخاطب :	کور مشسک	اوقو مشسک
غائب :	کور مش	اوقو مش

§

متکلم :	کور مشز	اوقو مشز
جمع مخاطب :	کور مشسکز	اوقو مشسکز
غائب :	کور مشلر	اوقو مشلر

مضارع

متکلم :	کوررم	اوقورم
---------	-------	--------

مفرد	مخاطب :	کور رسك	او قورسك
	غائب :	كودر	او قور

## §

	متكلم :	كوررز	او قورز
جمع	مخاطب :	كور رسكز	او قورسكز
	غائب :	كوررلر	او قورلر

## حال

	متكلم :	كور يورم	او قو يورم
مفرد	مخاطب :	كور يورسك	او قو يورسك
	غائب :	كور يور	او قو يور

## §

	متكلم :	كور يورز	او قو يورز
جمع	مخاطب :	كور يورسكز	او قو يورسكز
	غائب :	كور يورلر	او قو يورلر

## استقبال - مستقبل

	متكلم :	كور ه جكم	او قو ه جقم
مفرد	مخاطب :	كور ه جكسك	او قو ه جقسك
	غائب :	كور ه جك	او قو ه جق

## §

متکلم :	کوره جکز	اوقویه جفز
مخاطب :	کوره جکسکز	اوقویه جقسکز
غائب :	کوره جکار	اوقویه جقلر

## فعل وجوبی

متکلم :	کور ملی یم	اوقو ملی یم
مخاطب :	کور ملیسک	اوقو ملیسک
غائب :	کور ملی	اوقو ملی

## §

متکلم :	کور ملی یز	اوقو ملی یز
مخاطب :	کور ملیسکز	اوقو ملیسکز
غائب :	کور ملیئر	اوقو ملیئر

## فعل التزامی

متکلم :	کوره یم	اوقویه یم
مخاطب :	کوره سک	اوقویه سک
غائب :	کوره	اوقویه

## §

متکلم :	کوره لم	اوقویه لم
مخاطب :	کوره سککز	اوقویه سککز
غائب :	کوره لر	اوقویه لر

## امر غائب

مفرد	جمع
کورسون	کورسونلر
اوقوسون	اوقوسونلر

## امر حاضر

مفرد	جمع
کور	کوریکیز - یاخود - کورک
اوقو	اوقویکیز - یاخود - اوقویک

( کورمک - اوقومق ) مصدرلرینک منفی صورتنک تصریفی:

## ماضی شهودی

متکلم :	کورمدم	اوقومدم
مفرد مخاطب :	کورمدک	اوقومدک
غائب :	کورمدی	اوقومدی

§

متکلم :	کورمدک	اوقومدق
جمع مخاطب :	کورمدیکیز	اوقومدیکیز
غائب :	کورمدیلر	اوقومدیلر

## ماضی نقلی

او قومامش	کورمه مشم	: متکلم	
او قومامشسک	کورمه مشسک	: مخاطب	مفرد
او قومامش	کورمه مش	: غائب	

§

او قومامشز	کورمه مشز	: متکلم	
او قومامشسکز	کورمه مشسکز	: مخاطب	جمع
او قومامشز	کورمه مشز	: غائب	

## مضارع

او قومام	کورم	: متکلم	
او قومازسک	کورمزسک	: مخاطب	مفرد
او قوماز	کورمز	: غائب	

§

او قومایز	کورمیز	: متکلم	
او قومازسکز	کورمزسکز	: مخاطب	جمع
او قومازلز	کورمزلز	: غائب	

## حال

او قومیورم	کورمیورم	: متکلم	
او قومیورسک	کورمیورسک	: مخاطب	مفرد
او قومیور	کورمیور	: غائب	

§

متکلم :	کور میورز	او قوم یورز
مخاطب :	کور میورسکنز	او قوم یورسکنز
غائب :	کور میورلر	او قوم یورلر

### استقبال - مستقبل

متکلم :	کور میه جکم	او قومیه جقم
مخاطب :	کور میه جکسک	او قومیه جقسک
غائب :	کور میه جک	او قومیه جق

### §

متکلم :	کور میه جکنز	او قومیه جقنز
مخاطب :	کور میه جکسکنز	او قومیه جقسکنز
غائب :	کور میه جکار	او قومیه جقلر

### فعل وجوبی

متکلم :	کور مه ملی یم	او قوم ملی یم
مخاطب :	کور مه ملیسک	او قوم ملیسک
غائب :	کور مه ملی	او قوم ملی

### §

متکلم :	کور مه ملی بز	او قوم ملی بز
مخاطب :	کور مه ملیسکنز	او قوم ملیسکنز
غائب :	کور مه ملیلر	او قوم ملیلر

## فعل التزامی

متکلم :	کور میه یم	او قومیه یم
مفرد مخاطب :	کور میه سک	او قومیه سک
غائب :	کور میه	او قومیه

§

متکلم :	کور میه لم	او قومیه لم
جمع مخاطب :	کور میه سکز	او قومیه سکز
غائب :	کور میه لر	او قومیه لر

## نهی غائب

مفرد	جمع
کور مسون	کور مسونلر
او قومسون	او قومسونلر

## نهی حاضر

مفرد	جمع
کور مه	کور میکنز - یا خود - کور میک
او قوم مه	او قوم میکنز - یا خود - او قومک

تمرین

[چیز مک، آکلامق] مصدرلری مثبت صورتنده تصریف ایدیلر جک



آشاغیده کی عبارت لرده بولنان فعللرک هانکی صیغه دن اولدقلری  
و مصدر لری کو ستر یله جک :

[ احمد افندی ! نه اوقیورسکنز ؟ صرفی اکلایتم ، شمدی  
نحو اوقیورم - ذکی و چالشقان برشا کرد کندینی یالکزم معلمنه دگل ،  
هر کسه سودیرر - وقتمزی بیهوده کچیرمیهلم ، زیرا کچن زمان بردها  
عودت ایتمه مک اوزره بزه اوزاقلشیور - بو کونکی درسه نیچون  
چالشم دیکز - درسه چالشمیان ایشته بویه مجازات کورر - یارین  
مکتبه کله میه جکم - ویرمش اولدیغکنز کتانی بو کیجه پدرله برابر  
اوقویه جغز - محمود افندی ! بکا بر قلم ویریکز شکری افندی دفترینک  
بویه قاره لائنش اولدیغنی کورمسون ، قیزه جق ، میدانده بیراقلم ،  
کلیرکلز کورسون - بوسنه قیش کورمده - قیش کونلری بهار کی  
کچدی - توفیق افندی بروسه یه کیشمش ، الله سلامت ویره -  
سرمد بک بزه کلیور ، بزده بردها آنلره کیتمیهلم ]

### افعال مرکبه

افعال مرکبه - ایکی کله دن مرکب اولان فعللردر

بولنلر بش نوعدر ، آیری آیری اسملری

برنجیدی : « فعل اقتداری » درکه فعل التزامی صیغه سست

مفرد غائبه « بیلیمک » مصدری علاوه اولته رق یاسلر

صیغه لرده « بیلیمک » مصدری تصریف اولنور

[ یازمق : یازہ بیلیمک - او قومق : او قویہ بیلیمک -  
 کورمک : کورہ بیلیمک - ایستمک : ایستیه بیلیمک کبی .  
 فعل اقتدارینک تصریفی

## ماضی \* شہودی

کورہ بیلیمک	کورہ بیلیم
کورہ بیلیمک	کورہ بیلیمک
کورہ بیلیمک	کورہ بیلیم

## ماضی نقلی

کورہ بیلیمش	کورہ بیلیمشم
کورہ بیلیمشک	کورہ بیلیمشک
کورہ بیلیمش	کورہ بیلیمش

## مضارع

کورہ بیلیر	کورہ بیلیرم
کورہ بیلیرسک	کورہ بیلیرسک
کورہ بیلیرلر	کورہ بیلیر

## حال

کورہ بیلور	کورہ بیلورم
کورہ بیلورسک	کورہ بیلورسک
کورہ بیلورلر	کورہ بیلور

## استقبال - مستقبل

کوره بیلہ جکمز	کوره بیلہ جکم
کوره بیلہ جکسکمز	کوره بیلہ جکسک
کوره بیلہ جکلر	کوره بیلہ جک

## فعل وجوبی

کوره بیلملی یز	کوره بیلملی یم
کوره بیلملیسکمز	کوره بیلملیسک
کوره بیلملیلر	کوره بیلملی

## فعل التزامی

کوره بیللم	کوره بیللیم
کوره بیللسمکز	کوره بیللسمک
کوره بیللر	کوره بیللہ

قاعده — فعل اقتدارینک منفیسندہ (بیل) کلمہ سی قالقوب  
 یرینہ نفی اولان « م » کلیر . مثلاً : « کوره بیللمہ مک — یازہ -  
 بیللمہ مک » دینیوب « کورہ مہ مک — یازہ مامق » دینور  
 فعل اقتدارینک منفی صورتندہ تصرافی :

کوره مدم	:	ماضی شہودی
کوره ممشم	:	ماضی نقلی
کوره مم	:	مضارع
کوره میورم	:	حال

استقبال - مستقبل :	کوره میه جکم
فعل وجوبی :	کوره مه ملی یم
فعل التزامی :	کوره میه یم

§

ایکنجیسی : [ فعل تعجبی ] درکه ماده اصلیه بر « ی » حرفیه « ویرمک » مصدرینی علاوه ایدرک حاصل اولور . مذکور « ویرمک » مصدری تصریف اولنور .  
[ یازمق : یازیویرمک - کورمک : کوریویرمک - اوقومق : اوقویویرمک - ایستمک : ایستیویرمک ] الی آخره .  
فعل تعجیلک تصریفی :

ماضی شهودی :	کوریویردم	کوریویردک	الخ
ماضی نقلی :	کوریویرمشم	کوریویرمشز	الخ
مضارع :	کوریویررم	کوریویررز	الخ
حال :	کوریویریورم	کوریویریورز	الخ
استقبال - مستقبل :	کوریویره جکم	کوریویره جکمز	الخ
فعل وجوبی :	کوریویرملی یم	کوریویرملی یز	الخ
فعل التزامی :	کوریویره یم	کوریویره لم	الخ
امر غائب :	کوریویرسون	کوریویرسونلر	الخ
امر حاضر :	کوریویر	کوریویریکنز	الخ

§

اوچنجیسی : [ فعل حکایه ] درکه، هر صیغه مفرد غائبه :  
[ ایدم - ایدک - ایدی - ایدک ایدیکنز - ایدیلر ] لفظلری  
علاوه اولنهرق حاصل اولور .

فعل حکایه نك تصریفی

ماضی شهودی	:	کور دی ایدم	کور دی ایدك	الخ
ماضی نقلی	:	کور مش ایدم	کور مش ایدك	الخ
مضارع	:	کور رایدم	کور رایدك	الخ
حال	:	کور یور ایدم	کور یور ایدك	الخ
استقبال - مستقبل	:	کور ه جك ایدم	کور ه جك ایدك	الخ
فعل وجوبی	:	کور ملی ایدم	کور ملی ایدك	الخ
فعل التزامی	:	کور یدم	کور یدك	الخ
امر غائبی ، امر حاضری یو قدر .				

§

دردنجیسی ، [فعل روایت] دركه صیغه لرك مفرد غائبه نيك  
صوكنه : [ ایشم - ایشمز - ایشسك - ایشسكز - ایشش -  
ایشلر ] لفظلری علاوه اولنه رق حاصل اولور .

ماضی شهودی	:	تصریف ایدله مز		
ماضی نقلی	:	کور مش ایشم	کور مش ایشمز	الخ
مضارع	:	کور رایشم	کور رایشمز	الخ
حال	:	کور یور ایشم	کور یور ایشمز	الخ
استقبال - مستقبل	:	کور ه جك ایشم	کور ه جك ایشمز	الخ
فعل وجوبی	:	کور ملی ایشم	کور ملی ایشمز	الخ
فعل التزامی	:	کور یشم	کور یشمز	الخ
بو فمك دخی امر غائبی ، امر حاضری یو قدر .				

§

باشنجیسی، [ فعل شرطی ] در که صیغه لک مفرد غائبانه :  
( ایسه م - ایسه ک - ایسه - ایسه ک - ایسه کز - ایسه ل )  
لفظلری علاوه اولانه رق یاپیلیر.

فعل شرطینک تصریفی

ماضی شهودی : کوردی ایسه کوردی ایسه ک الح  
ماضی نقلی : کورمش ایسه م کورمش ایسه ک الح  
مضارع : کورر ایسه م کورر ایسه ک الح  
حال : کورپیور ایسه م کورپیور ایسه ک الح  
استقبال - مستقبل : کوره جک ایسه م کوره جک ایسه ک الح  
فعل وجوبی : کورملی ایسه م کورملی ایسه ک الح  
فعل التزامی : کورسه م کورسه ک الح

فعل شرطینک امر غائب و امر حاضر صیغه لری تصریف  
ایدیله مز . §

اخطار — [ حکایه - روایت - شرطیه ] فعاللری تشکیل  
ایچون علاوه ایدیلن [ ایدی - ایمش - ایسه ] لفظلرینه  
« فعل اعانه » تعبیر اولنور.

اشبو فعل اعانه اوج صیغه دن عبارتدر :

- ۱ -

ماضی شهودی

جمع  
ایده

مفرد  
ایدم

ایدک	ایدیکز
ایدی	ایدیلر

- ۲ -

### ماضی نقلی

مفرد	جمع
ایمشم	ایمشز
ایمشک	ایمشکنز
ایمش	ایمشلر

- ۳ -

### صیغه شرطیه

مفرد	جمع
ایسه م	ایسه ک
ایسه ک	ایسه کنز
ایسه	ایسه لر

بر طاقم صیغه لر ده ا و اردر که بونلره [ صیغ ربطیه ] نامی  
ویریلیر، آلتی دانه در.

### صیغ ربطیه

- ۱ - صیغه صله - ایکی صورتله وجوده کلیر :  
برنجیسی - ماضی : شهودینک مفرد غائبنک آخرینه -

مثبت اولسون ، منفی اولسون — خفیفلرده «کی» تقیالرده  
«خی» علاوه قیلنهرق تشکیل اولنور .

مثال :

مصدر	ماضی شهودی	صیغه صله
<u>مثبت</u> منفی	<u>مثبت</u> منفی	<u>مثبت</u> منفی
کلمک — کلمه مک	کلدی — کلیدی	کلدیکی — کلیدیکی
او قومق — او قومامق	او قوددی — او قومدی	او قودینی — او قومدینی
ایکنجیسی — مستقبل صیغه سنک	مفرد غائبک	آخرینه —
مثبت اولسون ، منفی اولسون — «ی» علاوه اولنهرق	یا یلیز .	
مصدر	مستقبل	صیغه صله
<u>مثبت</u> منفی	<u>مثبت</u> منفی	<u>مثبت</u> منفی
کلمک — کلمه مک	کله جک — کلیه جک	کله جکی — کلیه جکی
او قومق — او قومامق	او قویه جق — او قومیه جق	او قویه جنی — او قومیه جنی

§

۲ — صیغه عطفیه — ماده اصلیه نک آخرینه ، ساکن ایسه  
حرکه لئه رک «وب» متحرک ایسه «یوب» علاوه قیلنهرق تشکیل اولنور .

مثال :

مصدر	ماده اصلیه	صیغه عطفیه
کلمک	کل	کلوب
او قومق	او قو	او قویوب
اخطار — صیغه عطفیه نک منفیسی	ماده اصلیه	«میوب»
علاوه اولنهرق وجوده کلیر .	[کلیوب — او قومیوب]	کی .



۳ — صیغه تعقیبه — ماده اصلیه نك آخرینه ساكن ایسه  
حرکه لنه رك « نجه » ، متحرك ایسه « نجه » علاوه اولنه رق  
حاصل اولور .

مثال :

مصدر	ماده اصلیه	صیغه تعقیبه
كلمك	كل	كلنجه
اوقومق	اوقو	اوقونجه

اخطار — صیغه تعقیبه نك منفیسی ماده اصلیه به « مینجه »  
الحاقیله یایییر . [ کلمینجه — اوقومینجه ] کی .

تمرین

آئیده کی جمله لرده بوانان فعللرده صله ، عطفیّه ، تعقیبه  
صیغه لری کوستریله جك :

[ بیوکلر سوزه باشلا نجه کو چکلر صوصعلی — تحصیل زمانلری  
اویون ایله کچیرمیوب تزیید معلوماته صرف اتملی — اختیارلره حرمت  
ایایوب دعالرینی آلملی — هرشیی اربابندن صوروب اوکرنملی —  
ارباب معارف ایچون بیلدیکی فنلری بیلیمینه تعلیم بیلمدیکی فنلری ده  
بیلندن آلم ایتمک قدر فائده لی بر آلس ویرش یوقدر — اوقویوب  
یازمقدن اوصائیان هیچ بر زمان ضرر ایتمز — عارف اولان اصحاب  
ذکائی تورنجه طائیر ] .

۴ — صیغه توقیته — ماضی شهودینك جمع متکلمنك  
آخرینه — مثبت اولسون ، منفی اولسون — « جه » علاوه  
ایدیله رك حاصل اولور .

مثال :

مصدر	ماضی شهودی	صیغه توقيتیه
مثبت منفی	مثبت منفی	مثبت منفی
کلمک - کلمه مک	کلدک - کلمدک	کلدکجه - کلمدکجه
قومق - او قومامق او قودوق - او قومودق او قودوقجه - او قومودقجه		
۵ - صیغه ابتدائیه - فعل التزامیک مفرد غائبک آخرینه -		
ثبت اولسون، منفی اولسون - «لی» علاوه قیلنهرق یاپیلیر .		

مثال :

مصدر	فعل التزامی	صیغه ابتدائیه
مثبت منفی	مثبت منفی	مثبت منفی
کلمک - کلمه مک	کله - کلمیه	کله لی - کلمیه لی
او قوموق - او قومامق او قویه - او قومیه او قویه لی - او قومیه لی		
اخطار - بوصیغه یه بعضاً « دن بری » علاوه اولنور :		
کله لیدن بری - او قویه لیدن بری		
۶ - صیغه انتهائیه - صیغه تعقیبیه نک آخرینه - مثبت اولسون،		
منفی اولسون - «یه قدر» لفظی علاوه قلنهرق تشکیل اولنور .		

مثال :

مصدر	صیغه تعقیبیه	صیغه انتهائیه
مثبت منفی	مثبت منفی	مثبت منفی
کلمک - کلمه مک	کلنجه - کلمینجه	کلنجه یه قدر کلمینجه یه قدر
او قوموق - او قومامق او قوینجه - او قومینجه او قوینجه یه قدر - او قومینجه قدر		

## تمرین

آئیده کی عبارتہ لردہ بولنان فعل لردہ توقیتہ، ابتدائیہ، انتہائیہ  
صیغہ لری تفریق و تعریف اولنہ حق :

( سزی کوزمیه لی خینی زمان اولدی - قومشوم ملاکنہ کیده لی  
برسنہ بی تجاوزایتدی - خواجہ افندی کلنجه یه قدر در - سزی بللیہ لم  
- تحصیل معارفہ سعی تام ایدلمدکجه - هیچ رشی الہ کیرمز - درسمی  
آ کلامیہ باشلا یالیدن بری اویون اوینامنی هیچ آرزو ایتیمورم -  
آفرین آلدقجه بشوقم آرتیور - جالشمدقجه پدرمک مظهر حسن توجہی  
اولہ میہ حقمی بیلمز دگلم - انسان کسب کمال ایتیمجه یه قدر نائل احترام  
اولہ ماز - عاقل اولان اولنجه یه قدر تعلیم و تعلمدن وازکچمز ) .

اسم فاعل - اسم مفعول

اسم فاعل - معناسندن بر فعی اجر ایتدیکی آ کلاشیلان  
کلمہ در . معلوم مصدر لردہ ادات مصدرک یرینہ خفیف ایسہ «ن»  
ثقیل ایسہ «ان» کتیر مکله و یا خود علی العموم مادہ اصلیه یه  
«یحی» اداتی علاوہ اولنہ رق حاصل اولور .

مصدر	مثال :	اسم فاعل
کورمک	کورن	کور یحی
کیزمک	کیزن	کیز یحی
صاتمق	صاتان	صاتیحی
یازمق	یازان	یازیحی

اخطار - مادہ اصلیه نک صوکی حرکلی اولان مصدر لردن

اسم فاعل یا پمق ایچون [ن. ان. یحی] یرینہ [ین. یان. ییحی]  
لفظ لری کتیر لمر .

مثال :

اسم فاعل	مصدر
سویله زن    سویله ییچی	سویله مک
آ کلایان    آ کلایچی	آ کلایمق

§

اسم مفعول — معناسـمندن بر فعلک تأثیرینی کوردیکی  
 آ کلایشیلان کله در . مجهول مصدرلرده ادات مصدرک یرینه  
 خفیف ایسه (ن) ، ثقیل ایسه (ان) کتیرلمکله ، یاخود ادات  
 مصدرک خذفیله (مش) اداتی علاوه اوله رق حاصل اولور .

مثال :

اسم مفعول	مصدر
کوریلن    کورلمش	کورلمک
ویریلن    ویرلمش	ویرلمک
صاتیلان    صاتلمش	صاتلمق
یازیلان    یازلمش	یازلمق
اوقونان    اوقونمش	اوقونمق

اخطار — اسم فاعل و اسم مفعول هر نه قدر معـناجه  
 فعلدن معدود اولمیوب صفت مقامنده ایسه لرده مقصدلردن  
 حاصل اولدقاری ایچون فعل بختنه داخدرلر . بونلره « فرع  
 فعل » تعبیر اولنور . ( لر ) اداتیه جمعلیلر . احوال اسم  
 بونلرده دخی جاریدر .

### تمرین

آئیده کی عبارتہ لردہ کوریلن اسم فاعل واسم مفعول لر تفریق  
ایدیلہ جک وہانکی مصدر لدن مشتق اولدقلری بیلدیریلہ جک :  
[ چوق چالشان چوق قازانیر — الہ بولسان بارہنک  
قیمتر کیتدکن صکرہ آ کلاشیلیر — دوکونہ دعوتہ کیدنلرہ  
اوقویچی دیرلر — زمانزدہ طبع ایدیلن کتابلر ، آچیلان  
مکتبلر تہداد اولنہ ماز — اییلک ایدن اییلک بولور — اوقومش  
آدلہ جاہل قالانلرک یانندہ دائمًا کنسینہ صایدیرر . ]

### ادات

ادات — باشلی باشنہ بر معنی افادہ ایتیموب اسملر ، فعللر  
آرہ سندہ معتبار اولان کلمہ لردر . مثلاً : [ انسان مکتبہ تحصیل  
ہنر و تربیہ ایچون کیدر ] عبارتہ سندہ کی (و) ایلہ (ایچون) کلمہ لری  
مستقل بر معنایہ دلالت ایتدکاری حالہ بورادہ (و) ہنر ایلہ  
تربیہ کلمہ لری بر برینہ عطف و « ایچون » دخی مکتبہ کیتمہنک  
سببنی بیان ایلمکدہ در .

### ادوات

آ — کلمہنک اولندہ بولنورسہ ادات ندہ ، آخرندہ  
بولنورسہ ادات تا کید اولور .  
آرتق — ادات اکتفا .  
آنجق — ادات حصر .

آه	— ادات تحسّر .
آی	— تعجب و تأثر اداتیدر .
اڭ	— تقضیل اداتیدر . صفتلره داخل اولور .
البت ، البته	— ادات تأکید .
اگر	— ایذان و شرط اداتیدر ،
امان	— ادات استمداد .
اوت	— ادات تصدیق .
اوخ	— ادات تلذذ .
اوف	— تأثر و ملال اداتیدر .
اوزره	— ادات استعلا .
ای	— ادات ندا .
ایچون	— تعلیل اداتیدر .
ایشته	— ادات تنبیه .
ایکن	— ادات حال . بعضاً تخفیف اولنه رق (کن) صورتنه قونور .
ایله	— ایکی شیئی بربرینه مقارن کوسترسه ادات مقارنت ، برشیئه دیگر شیئی واسطه کوسترسه ادات وساطت ، برشیئی دیگر شیئه سبب کوسترسه ادات تعلیل اولور . بعضاً تخفیف اولنه رق (له) صورتنده یازیلیر .
اوله	— تصدیق و تمثیل اداتیدر .
ایواه	— ادات تحسّر ،

تبرین

آئیده کی عبارتده بولنان اداتلر تفریق اولنوب نه اداتی اولدقلری بیان ایدیله جک :

[ نیچون اوله محزون طور ییورسکیز ؟ - ایشته موسم بهار آثارینی کوس-ترمکه باش-لادی - بوکون مکتبه کلیر ایکن سزک اوه اوغرام - اوف هوا نه قدر صیجاق - صنفمزک اک چالشقانی ولی افدیر - اگر شهادتنامه اخذینه موفق اوله بیلیرسه مکتب اعدادی یه کیره جکم - آمان ! جهالک بودرجه فنا اولدیغنی بیلسه ابدم کنجک زمانلرینی بیوده می کچیردم - آرادر نیچون سوز دیکله میورسک ؟ - آمان آرقداشم ، بکاصیق صیق مکتوب یاربک-زکه اندیشه دن قورتیللم - خسته لکله اویقو خیلی زماندن بری سمتمه اوغراماز اولدی - برکیمسه یازی یازارکن بان کوزله ویا اکیلوب باقق آداب و تربیه مغایردر - سایه شاهانه ده استراحت اوزره یاشایورز - آی ، نه زمان کلدیکز ؟ - باقسه کز آبکانه لرسویلیورلر - تحصیل کالات آنجق سعی وثبات ایله ممکن اوله بیلیر - تنبلیکی التزام یولنده برشا کرد طرفندن مکرر آوقوع بولان واهی معذرتلر اصلاشیان قبول اوله ماز - آرتق درسه چالیشه جغم - آی ، وجودمک هر ذره سنده بر اضطراب حس ایدیورم - کنجک کی . مساعذ زمانلرینی تحصیل علم وهنره صرف ایتمین برکیمسه صوکنده البته نادم اولور - انسان عطالتله نائل آمال اوله ماز - ای قیمتی بیایمین کنجک زمانلری ! زرده سکیز ؟ - انسان اهمیت ودقت ایله باقچه هر ذره ده عقله حیرت

ویره جک بر اثر کوررکه کافه سی الله عظیم الشانک بر لکنه، بیوکلکنه  
شهادت ایدر - اوخ ، درسمی یایدیم یازیلرمی ده حاضرلادم ] .

### ادوات

- باری - هیچ اولمازسه ماآنی مفید ادات اکتفا .
- بتون - ادات تعمیم .
- برابر - تشریک اداتی اوله رق قوللانیلیر .
- بری - استمرار اداتیدر .
- بلنکه - احتمال اداتیدر .
- بیله - عطف تنبیهی اداتیدر .
- پک - ادات مبالغه .
- نک - تمیئ التزامی اداتیدر .
- چونکه - ادات تعلیل .
- حاشا - ادات تنزیه .
- حتی - عطف تنبیهی اداتی .
- خیلی - ادات تنکثیر .
- دخی - ادات عطفدر . اکثریا تخفیف اوله رق ( ده )  
صورتیه قونور .
- دک - ادات انتها . شعرده مستعملدر .
- دکل - ادات نفی .
- دکین - ادات انتها . محررات رسمیه ده قوللانیلیر .
- دها - ادات تفضیل .



- زیرا - تعلیل اداتیدر :  
 سز - ادات نفی .  
 سزین - ادات حال . منفي مصدرلره لاحق اولور .  
 شمدی - ادات حال .  
 صانکه - ادات تمثیل .  
 طولایي - ادات تحلیل .

### تمرین

آشاییده کی جمله لرده بولنان اداتلر کوستریله چک ونه ادانی  
 اولدقلری بیان ایدیله چک :

[ علمک قدری مالدن اعلادر: زیرا علم حفظ ایدر، مال حفظ  
 اولنور - طیب ، مریضه فصل معامله ایدرسه عالم دخی جاهله  
 اویله معامله ایتلیدر -- عقلی اولان تحصیل کالان وازچرمی ؟  
 حاشا - اولدجه چالشیور ، بلکی موفق اولور -- انسان سعی  
 ایتکسزین برشیته نائل اوله ماز - تک او قوده کیمدن او قورسه ک  
 اوقو - یازی یازمیورسک ، باری درسنی ازبرله - خیلی  
 زماندن بری تنبلک ایدیورسک - بیوک آدم اولمق ایسترسک  
 بتون اوقاتکی تحصیله صرف ایت - شرف حقیقی پاره ایله دکلدیر ،  
 علم ایله در - قارداشم مکته برابریده لم - حواجه افندی شمدی  
 کلدی - بو افندی ده اذکیر - شو افندی ده پک چالشقاندیر -  
 اویون اوینامق شوبله طورسون خاطر مه بیله کلدی ] .

## ادوات

غایت	- ادات مبالغه.
فقط	- حصر، استدراک اداتیدر.
قدر	- ادات استها
کجی	- ادات تشبیه.
کورہ	- نسبت و مطابقت اداتیدر.
کہ	- بیان و تعلیل اداتیدر.
لکن	- ادات استدراک.
می	- ادات استفهام.
نتکیم	- ادات تمثیل.
نیچہ	- ادات تکثیر.
و	- ادات عطف.
ای	- تعجب و تأثر اداتیدر.
ها	- ادات تنیہ.
ہایدی	- ادات تشویق.
ہای‌های	- ادات تصدیق.
مر	- ادات تعمیم. یالکمز مفردہ داخل اولور.
ہپ	- ادات تعمیم.
ہلہ	- ادات تحذیر.
ہیچ	- نفی و نہیہ مخصوص ادات تأکید.
یا	- ادات ندا. عربی کلمات و ترکیباتہ داخل اولور.

یا خود - ادات تردید. تخفیف اولنه رق «یا» صورته  
اوقونور.

ینه - عطف و توبیخ اداتیدر.

تمرین

آشناغیده کی جمله لرده کی ادوات تفریق و بیان ایدر.   
درس ساعتی کلدی، هایدی صنفه - هیج عالم ایله جاهل   
اولور می؟ - انسان یا ایلیک ایتلی، یا خود فالح ایتمه مکّه   
سلیماسیه جامع شریفی غایت عالی و صنعتی بر بنادر - هر کس   
کوره مصرف ایتلیدر - نیجه صاحب ثروت جهالتله   
و ضرورت اولمدر - دنیا باقیمی که آخرت دوشون   
چو جقلم، بو سوزلره دقت ابدیکز ها! - ثروتمنی اید   
علممی دیر لسه علمی ایسته که ثروت آندن حاصل اولور   
کمور بیلیملره سیاه برشی کورینور سده الماس آندن   
جناب حق هر قولنی تحصیل و تربیه استعداد ایله خلق بید   
یارب! بزی ایکی جهانده مظهر نجات ایله - بکا امنیت   
های های - بو سوزلر هپ احکام دینیه مستنددر -   
درسنی کندی کنه دینه حاضر لامدن اولماز؛ فقط   
حض-ورنده آکلامش اولمش شرطدر - هله چالش   
ابویندن التفات کوره بیلیمی؟ - سایه شاهانده   
شمن دوفر انشا ایدلمدر - وعد بورج کیدر -   
اطاعت واجب اولدینی کبی امیر المؤمنینه ده اطاعت





